



## **Resolución do 05 de febreiro de 2019 da Dirección Xeral de Desenvolvemento Pesqueiro pola que se convocan varios cursos na Aula de Seguridade e Salvamento da Escola Oficial Náutico Pesqueira de Ferrol. Acción formativa financiada nun 75% polo Fondo Europeo Marítimo e de Pesca (FEMP) na medida 1.6.1. no marco do Programa Operativo para España do FEMP 2014-2020**

### **Consideracións legais**

- Os Reais decretos 4189/1982, do 29 de decembro, 1283/1987 do 2 de outubro, 1378/1997 do 29 de agosto e 1749/1999 do 19 de novembro, ao abeiro das normas constitucionais, estatutarias e legais correspondentes, que traspasa á Comunidade Autónoma de Galicia, funcións e servizos da Administración do Estado en materia de ensinanzas profesionais náutico-pesqueiras
- Orde FOM/2296/2002, do 4 de setembro, polo que se regulan os programas de formación dos títulos profesionais de mariñeiros de ponte e de máquinas da Mariña Mercante e de patrón portuario, así como os certificados de especialidade acreditativos da competencia profesional
- Resolución do 18 de xuño de 2013 da Dirección Xeral da Mariña Mercante, pola que se actualizan e modifican os cursos de formación e os seus programas, recollidos na Orde FOM/2296/2002, do 4 de setembro
- Resolución do 21 de setembro de 2016, da Dirección Xeral da Mariña Mercante, pola que se determina o contido e procedemento de homologación dos cursos de revalidación conforme ao convenio internacional sobre normas de formación, titulación e garda para a xente do mar de 1978 (STCW)
- Resolución do 2 de febreiro de 2017, da Dirección Xeral da Mariña Mercante, pola que se desenvolve o procedemento de revalidación dos certificados de suficiencia do convenio sobre normas de formación, titulación e garda para a xente do mar (STCW)
- O Decreto 168/2015, do 13 de novembro, polo que se aproba a estrutura orgánica da Consellería do Mar, indica que a Dirección Xeral de Desenvolvemento Pesqueiro terá ao seu cargo a ordenación, dirección e coordinación das atribucións que ten asumidas a consellería en materia de ensino e titulacións náutico-pesqueiras, modificado polo Decreto 39/2018, do 5 de abril
- Regulamento (UE) núm. 508/2014 do Parlamento Europeo e do Consello de 15 de maio de 2014, relativo ao Fondo Europeo Marítimo e de Pesca, e polo que se derogan os Regulamentos (CE) núm. 2328/2003, (CE) núm. 861/2006, (CE) núm. 1198/2006 e (CE) núm. 791/2007 do Consello, e o Regulamento (UE) núm. 1255/2011 do Parlamento Europeo e do Consello

Esta dirección xeral ao abeiro das súas competencias RESOLVE,

Convocar 6 cursos de avanzado en loita contra incendios, 6 cursos de actualización de avanzado en loita contraincendios, 6 cursos de embarcacións de supervivencia e botes de rescate non rápidos, 6 cursos de actualización de embarcacións de supervivencia e botes de rescate non rápidos e 6 cursos de actualización de formación básica en supervivencia, coas seguintes condicións:





**Primeira.** Os cursos se realizan na aula de seguridade e salvamento da Escola Oficial Náutico Pesqueira de Ferrol en horario de mañán e tarde e nas seguintes datas:

<b>Cursos</b>	<b>Data de inicio</b>	<b>Data de remate</b>
Avanzado en loita contra incendios	11/03/2019	13/03/2019
	01/04/2019	03/04/2019
	06/05/2019	08/05/2019
	03/06/2019	05/06/2019
	01/07/2019	03/07/2019
	29/07/2019	31/07/2019
Actualización avanzado en loita contra incendios	14/03/2019	14/03/2019
	04/04/2019	04/04/2019
	09/05/2019	09/05/2019
	06/06/2019	06/06/2019
	04/07/2019	04/07/2019
	01/08/2019	01/08/2019
Embarcacións de supervivencia e botes de rescate non rápidos	18/03/2019	20/03/2019
	08/04/2019	10/04/2019
	13/05/2019	15/05/2019
	10/06/2019	12/06/2019
	08/07/2019	10/07/2019
	05/08/2019	07/08/2019
Actualización embarcacións de supervivencia e botes de rescate non rápidos	21/03/2019	22/03/2019
	11/04/2019	12/04/2019
	15/05/2019	16/05/2019
	13/06/2019	14/06/2019
	11/07/2019	12/07/2019
	08/08/2019	09/08/2019
Actualización de formación básica en supervivencia	15/03/2019	16/03/2019
	05/04/2019	06/04/2019
	10/05/2019	11/05/2019
	07/06/2019	08/06/2019
	05/07/2019	06/07/2019
	02/08/2019	03/08/2019

**Segunda.** A documentación que deberá presentarse para asistir os cursos é a seguinte:





- Solicitude Anexo I
- Fotocopia compulsada do NIF
- Fotocopia compulsada do certificado de Formación Básica en Seguridade ou vida laboral ou calquera outro documento que acredite o exercicio da actividade na pesca.
- As parellas de feito e os/as cónxuxes dos/as pescadores/as autónomos deberán demostrar esta condición segundo a normativa vixente.

O prazo de matrícula empezará o día seguinte a publicación desta resolución no portal web da Consellería do Mar <http://mar.xunta.gal> e rematará unha semana antes do inicio de cada curso.

A relación de admitidos/as os diferentes cursos será a establecida en función da data de rexistro da matrícula.

A persoas interesadas poderán adiantar, unha copia da solicitude presentada e rexistrada, ao correo electrónico [ensino.mar@xunta.es](mailto:ensino.mar@xunta.es)

**Terceira.** No suposto de que o número de persoas admitidas para realizar os cursos indicados na táboa sexa inferior ao número de prazas convocadas, a Dirección Xeral de Desenvolvemento Pesqueiro reserva para si o dereito a suspender, cancelar ou agrupar varias edicións dos cursos, caso en que empregará os medios de notificación ás persoas interesadas previstos na normativa vixente. Tamén poderá modificar as datas dos cursos, así como resolver todas as continxencias que poidan xurdir.

**Cuarta.** As persoas deberán asistir con regularidade as clases e non superar nun 10% a cota de faltas da carga lectiva.

**Quinta.** Os cursos poderán ser inspeccionados e supervisados por persoal funcionario da Consellería do Mar.

Contra esta resolución, que non esgota a vía administrativa, poderase interpoñer recurso de alzada perante a consellería do Mar, no prazo dun mes, desde a notificación da presente resolución, segundo se dispón nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela,

A directora xeral de Desenvolvemento Pesqueiro

Susana Rodríguez Carballo





**XUNTA DE GALICIA**

CONSELLERÍA DO MAR  
Dirección Xeral de Desenvolvemento Pesqueiro

galicia



Unión Europea

Fondo Europeo Marítimo e  
de Pesca (FEMP)

**ANEXO I**

<b>MATRÍCULA DO CURSO:</b>	<b>SOLICITUDE:</b>
----------------------------	--------------------

**DATOS DA PERSOA SOLICITANTE**

<b>APELIDOS</b>	<b>NOME</b>	<b>NIF</b>

<b>ENDEREZO</b>	<b>CONCELLO</b>	<b>PROVINCIA</b>

<b>CÓDIGO POSTAL</b>	<b>CORREO ELECTRÓNICO</b>	<b>TELÉFONO</b>

**EXPÓN:**

Que reúne todos os requisitos para realizar o **curso**:

Documentación a presentar:

- FOTOCOPIA COMPULSADA DO NIF
- FOTOCOPIA COMPULSADA DO CERTIFICADO DE FORMACIÓN BÁSICA EN SEGURIDADE OU VIDA LABORAL OU CALQUERA OUTRO DOCUMENTO QUE ACREDITE O EXERCICIO DA ACTIVIDADE NA PESCA.
- AS PARELLAS DE FEITO E OS/AS CÓNIXUXES DOS/AS PESCADORES/AS AUTÓNOMOS DEBERÁN DEMOSTRAR ESTA CONDICIÓN SEGUNDO A NORMATIVA VIXENTE

**SOLICITA:**

A matrícula no dito curso, así como o exame final de avaliación, co fin de obter o certificado de aptitude correspondente

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposicións previstos na Lei mediante un escrito dirixido a este centro directivo como responsable do ficheiro

LUGAR E DATA:

SINATURA:

Dirección Xeral de Desenvolvemento Pesqueiro. Servizo de Ensino e Titulacións Náutico Pesqueiras.  
Rúa dos Irmandiños, s/n, Salgueiriños. 15705 Santiago de Compostela

CVE: i7yPzdnzA0  
Verificación: <https://sede.xunta.gal/cve>



Xacobeo 2021